



REPUBLIKA E SHQIPËRISË
Komisioneri për Mbrojtjen e të Dhënave Personale
Komisioneri

Nr. 20/1 Prot.

Tiranë, më 31/5/2011

Lënda: Rekomandim për **Shkollën e Mesme të Përgjithshme, Gjinnazi “Qemal Stafa”**.

REKOMANDIM

Mbështetur në Ligjin nr.9887, datë 10.03.2008 “Për Mbrojtjen e të Dhënave Personale”, Vendimet e Kuvendit të Shqipërisë nr.211, datë 11.09.2008 “Për zgjedhjen e komisionerit për mbrojtjen e të dhënave personale” dhe nr 225, datë 13.11.2008 “Për miratimin e strukturës organikës dhe kategorizimit të pozicioneve të punës të zyrës së Komisionerit për mbrojtjen e të dhënave personale”, pas shqyrtimit të relacionit të Drejtorisë së Inspektimit në ngarkim të kontrolluesit, **Shkolla e Mesme e Përgjithshme, Gjinnazi “Qemal Stafa”**,

KONSTATOVA

Më datë 07/02/2011 nga grupi i inspektimit të Zyrës së Komisionerit është zhvilluar inspektimi administrativ pranë kontrolluesit, **Shkolla e Mesme e Përgjithshme, Gjinnazi “Qemal Stafa”**, me cilësinë si kontrollues që mbledh dhe përpunon të dhëna personale në ushtrim të qëllimit dhe aktivitetit të tij, me objekt:

- Mbrojtja e të dhënave personale, kriteret ligjore për përpunimin, përpunimi i të dhënave sensitive të parashikuara në nenet 5,6,7 të ligjit nr. 9887, datë 10.03.2008 “Për Mbrojtjen e të Dhënave Personale”.
- A përpunohen e transmetohen të dhëna për qëllime statistikore, gazetarie e literature? Nëse zbatohen kriteret e parashikuara në nenet 10 e 11 të ligjit nr. 9887, datë 10.03.2008 “Për Mbrojtjen e të Dhënave Personale” .
- Zbatimi i të drejtave të subjekteve të të dhënave personale.

- Siguria e të dhënave personale, kategoria e mjeteve të përpunimit që përdoren, masat për sigurinë e të dhënave personale (neni 27)
- Plotësimi i detyrimit për njoftim (neni 21).
- Nëse ka instalime të kamerave (CCTV), si ato përdoren dhe a ka tabela informuese për përdorimin e tyre.

Komisioneri “Për Mbrojtjen e të Dhënave Personale” pasi shqyrtoi materialet e kontrollit administrativ, (proces-verbalin e konstatimit të shkeljeve, relacionin etj,) si dhe provat e administruara vëren se:

1. Kontrolluesi, Gjinnazi “Qemal Stafa”, nuk ka plotësuar në formularin e njoftimit disa rubrika si më poshtë:
 - Kontrolluesi tek **Rubrika 2** nuk ka plotësuar, fushën e veprimtarisë “ edukim”;
 - Kontrolluesi tek **Rubrika 3** nuk ka plotësuar nënrubrikën 3.3.2 ” sistemi automatik” (pasi një pjesë e të dhënave përpunoheshin në mënyrë automatike, si CCTV);
 - Kontrolluesi tek **Rubrika 4** nuk ka plotësuar, qëllimin e përpunimit “ mbikëqyrje të ambjentëve nëpërmjet kamerave CCTV”;
 - Kontrolluesi tek **Rubrika 6** nuk ka plotësuar, kategorinë e të dhënave personale,” të dhënat e identifikimit, “ foto” , “ imazhe nëpërmjet kamerave CCTV”;
 - Kontrolluesi tek **Rubrika 10** ka plotësuar se ka dokument të qartë për mbrojtjen e të dhënave tek **nënrubrika 10.1** por nga grupi i kontrollit u konstua që nuk ka një dokument të tillë; Ndërkohë në nënrubrikën 10.1, gjithashtu është deklaruar se ka rregulla që lejojnë kontrollin e aksesit në përpunimit e të dhënave personale, ndërkohë që siç është përshkruar më sipër në këtë relacion, këto rregulla nuk janë të përcaktuara qartë.
- Në këtë rast nuk është zbatuar neni 21 i ligjit nr.9887, datë 10.03.2008 “Për Mbrojtjen e të Dhënave Personale””, “...Çdo kontrollues duhet të njoftojë komisionerin për përpunimin e të dhënave personale, për të cilat është përgjegjës. Njoftimi duhet të bëhet para se kontrolluesi të përpunojë të dhënat për herë të parë ose kur kërkohet ndryshimi i qëllimit të përpunimit, të njoftuar më parë” dhe 23 të ligjit “ Komisioneri shqyrton të gjitha njoftimet dhe kur njoftimi është i pamjaftueshëm, ai urdhëron kontrolluesin të plotësojë të dhënat, duke përcaktuar edhe afatin kohor”.

2. Kontrolluesi, Gjinnazi “Qemal Stafa”, nuk ka rregullore të brendshme për mbrojtjen e të dhënave personale dhe kofidencialitetin dhe as ndonjë seksion të veçantë në rregulloret ekzistuese të shkollës.

Ky kontrollues përpunon të dhëna nëpërmjet sistemit të vëzhgimit CCTV. Nga verifikimi i kryer rezultoi se, sistemi funksiononte në hyrjen e shkollës, oborrin e shkollës si dhe disa koridore. Sistemi ishte i përbërë prej dy pajisjeve “*Regjistrues Video Dixhital*” DVR, dhe prej 16 kamerash të cilat monitoronin ambientet e shkollës “*Qemal Stafa*”. Në pajisjet DVR u konstatua se, kishte regjistrime që zgjatnin për një periudhë të pakten 15 ditore, gjithsesi në varësi të regjistrimit dhe kamerave në funksionim. Regjistrimi plotëson kapacitetin e DVR_së sipas procesit: regjistrimi i ditës së re fshin regjistrimin e ditës më të vjetër pra, regjistrimet fshiheshin automatikisht në varësi të kapacitetit të DVR_së.

Akses në DVR ka vetem Drejtoresha e shkollës pasi pajisja është e instaluar në zyrën e Drejtorisë, si dhe instaluesi i cili bënte rregullimet e sistemit, sa herë që kërkohet nga kontrolluesi.

U konstatua se, në lidhje me CCTV, ky kontrollues nuk ka një dokument të shkruar që të përcaktojë aksesin e kufizuar, në të dhënat që përpunohen, personat përgjegjës, të drejtat dhe detyrimet e tyre dhe periudhën e mbajtjes së regjistrimit, e cila duhet të jetë e përcaktuar.

U konstatua se, në korridoret e këtij kontrolluesi nuk janë vendosur tabela informuese për mbikëqyrjen me CCTV. Në referim, të nenit 18 të i ligjit nr. 9887, datë 10.03.2008 “*Për mbrojtjen e të dhënave personale*”, personat kanë të drejtë të dinë se ata janë në një zonë ku survejimi CCTV është duke u kryer. Mënyra më efektive për ta bërë këtë është duke përdorur shenjat e vendosur dukshëm në hyrje të zonës CCTV dhe e përforcuar këtë me shenja të mëtejshme brenda zonës. Shenjat duhet të jenë qartësisht të dukshme dhe të lexueshme

Për instalimin e sistemit të video-survejitimit është marë pëlqimi i prindërve të nxënësve, në kuadrin e parandalimit të akteve të dhunës në ambientet e shkollave, apo pirjes së duhanit, si dhe përdorimit të lëndëve narkotike nga gjinnazistët. Megjithatë, kontrolluesi ka përgjegjësinë që, survejimi (CCTV), të jetë i pajisur me masat mbrojtëse efektive, të sigurojë që kapja e imazheve të individëve, në këtë rast nxënësve, stafit të mësimdhënies, apo persona të tjerë të jashtëm, të jetë në përputhje me ligjin për Mbrojtjen e të Dhënave Personale.

Në këtë kuadër, Zyra e Komisionerit për Mbrojtjen e të Dhënave Personale ka si objektiv të saj: dhënien e ndihmesës, gjithmonë në respektim të ligjit, për vendosjen e standardeve të një praktike të mirë për të gjithë ata kontrollues që përpunojnë të dhëna personale, nëpërmjet sistemeve CCTV.

Gjithashtu, në kuadër të marrjes së masave për sigurinë e të dhënave personale kontrolluesi Gjinnazi “Qemal Stafa”, Tiranë nuk ka një kontratë me instaluesin e sistemit të kamerave survejuese (CCTV) apo ndonjë dokument të brendshëm të shkollës për të drejtat dhe detyrimet. Për pasojë, nuk janë përcaktuar në një dokument të shkruar, të drejtat dhe detyrimet e palëve, aksesin e kufizuar dhe personat përgjegjës për ndërhyrje në këtë sistem, cfarë bën që në lidhje me të

dhënat e grumbulluara nga ky përpunim, të mos ketë një nivel të përshtatshëm sigurie, për të mbrojtur të dhënat e subjekteve të të dhënave nga përpunimi jo i ligjshëm i tyre nga personat e pautorizuar.

- Në këtë rast nuk është zbatuar neni 27/2 “c” i ligjit nr. 9887, datë 10.03.2008 “Për mbrojtjen e të dhënave personale”, ”.....Udhëzon operatorët, pa përjashtim, për detyrimet që kanë , në përputhje me këtë ligj dhe rregulloret e brendshme për mbrojtjen e të dhënave, përfshirë edhe rregulloret për sigurinë e të dhënave “. dhe neni 28 i ligjit, “Kontrolluesit, përpunuesit dhe personat, që vihen në dijeni me të dhënat e përpunuara, gjatë ushtrimit të funksioneve të tyre, detyrohen të ruajnë konfidencialitetin dhe besueshmërinë edhe pas përfundimit të funksionit”.

Nisur sa më sipër në zbatim të neneve 29, 30 dhe 32 të ligjit nr.9887, datë 10.03.2008 “Për Mbrojtjen e të Dhënave Personale”, si dhe 107-109 të K.Pr.Administrative ;

REKOMANDOJ

1. Në zbatim të Nenit 21, 22 dhe 23 të Ligjit nr. 9887 datë 10.03.2008 “Për Mbrojtjen e të Dhënave Personale”, kontrolluesi Shkolla e Mesme e Përgjithshme, Gjimnazi “Qemal Stafa”, Tiranë duhet të riformuloj Formularin e njoftimit duke plotësuar të gjitha mangësitë e konstatuara nga grupi i inspektimit dhe të bëra të ditura kontrolluesit nëpërmjet procesverbalit dhe pjesës arsyetuese të këtij rekomandimi.
2. Në zbatim të neneve 3, 27 dhe 28 të ligjit nr. 9887 datë 10.03.2008 “Për Mbrojtjen e të Dhënave Personale” , kontrolluesi, Shkolla e Mesme e Përgjithshme, Gjimnazi “Qemal Stafa”, duhet të hartojë rregullore të brendshme ose të përfshijë në rregullore seksionin për mbrojtjen e të dhënave personale dhe konfidencialitetin.
3. Në zbatim të nenit 27 pika 2/ a, b, ç kontrolluesi duhet të përcaktojë në një dokument të shkruar ligjor, personat që do të kenë akses në sistemin CCTV, të drejtat dhe detyrimet e tyre dhe periudhën e mbajtjes së të dhënave të rregjistrimit.
Në zbatim të nenit 18 të ligjit nr. 9887 datë 10.03.2008 “Për Mbrojtjen e të Dhënave Personale” kontrolluesi duhet të vendosë edhe tabela informuese brenda zonës së shkollës që mbikëqyren me CCTV.

Të zbatohen parashikimet e Udhëzimit Nr. 3, datë 05.03.2010, “Mbi sistemin e video survejimit, në ndërtesa, lokale e ambiente të ndryshme”, të Komisionerit për Mbrojtjen e të Dhënave Personale.

4. Në respektim të nenit 8 të Konventës Europiane të Mbrojtjes së të Drejtave dhe Lirive themelore të Njeriut, dhe të nenit 17 të Kushtetutës së Shqipërisë, : ...”kufizimi duhet të jetë në përpjestim me gjendjen që e ka diktuar atë”, sugjeron pakësimin e numrit të kamerave survejuese në ambientet e Gjimnazit “Qemal Stafa” dhe vendosjen e tyre vetëm në një nga korridoret e kësaj shkolle, për të bërë krahasimin midis qëllimit të vendosjes së tyre dhe rezultatit të pritshëm gjatë përdorimit të tyre si dhe sigurimin i proporcionalitetit të privatësisë së individit me kufizimin që e dikton atë.

Kryerja e këtyre rekomandimeve të rëndësishme për mbrojtjen e të dhënave personale që ju ngarkon ligji të realizohet brenda një afati kohor prej 30 ditësh.

Duke ju falenderuar për mirëkuptimin,

KOMISIONERI

FLORA ÇABEJ (POGAÇE)

